



**OÉ Gaillimh**  
**NUI Galway**

**Cód Iompraíochta na Mac Léinn, OÉ  
Gaillimh**

## Clár na nÁbhar

1.0	Réamhrá .....	3
2.0	Prionsabail Ghinearálta .....	3
2.1	Cearta agus oibleagáidí na gcomhaltaí foirne, na mac léinn agus eile.....	3
2.2	Iompraíocht Acadúil.....	3
2.3	Ginearálta .....	3
2.4	Úsáid Foirgneamh, Áiseanna agus Trealamh.....	4
3.0	Samplaí Sonracha de Sháruithe ar Chód Iompraíochta na Mac Léinn.....	4
4.0	An Pobal Ginearálta .....	6
5.0	Údaráis Araíonachta.....	6
6.0	Nós Imeachta Araíonachta .....	7
6.1	Nós Imeachta Achomair .....	7
6.2	Éisteacht an Choiste Araíonachta .....	8
6.3	Fionraí a rinne an tUachtarán.....	10
6.4	An Próiseas Achomharc.....	10
7.0	Smachtbhannaí .....	11
8.0	Athbhreithniú.....	11

## 1.0 Réamhrá

Is iad príomhchuspóirí na hOllscoile eolas agus tuiscint a scaipeadh agus a chur chun cinn trí theagasc, taighde, staidéar agus díospóireacht réasúnach.

Glactar leis go ndíreoidh aon mhac léinn a chláróidh ar chúrsa Ollscoile ar bith aird ar chuspóirí na hOllscoile, agus bítear ag súil leis gur duine aonair freagrach a bheidh i ngach mac léinn mar chomhalta de phobal na hOllscoile agus go n-iompróidh sé/sí é/í féin mar is cuí.

Treoirlínte atá i gCód Iompraíochta na Mac Léinn maidir le gnáth-iompar, treoirlínte a thagann leis na hoibleagáidí atá ar mhic léinn, ach sa chás go leagtar síos riachtanais níos mionsonraithe, tá siad le fáil ar láithreán gréasáin na hOllscoile. Ba cheart a thabhairt faoi deara nach féidir le Mic Léinn na hOllscoile pribhléid a éileamh maidir le dlí ginearálta na tíre.

Beidh mic léinn a sháraíonn an Cód seo nó rialacháin Ollscoile ar bith faoi dhliteanas smachtbhannaí a fhorchur orthu.

## 2.0 Prionsabail Ghinearálta

I dtéarmaí ginearálta, bítear ag súil leis san Ollscoil go n-iompróidh mic léinn iad féin ar shlí a chinnteoidh go bhféadfaidh an Ollscoil a hoibleagáidí dlíthiúla, reachtúla agus conarthacha a chomhlíonadh, agus go gcaitear le gach comhalta foirne le dínit agus le meas, go mbaintear úsáid chuí as maoin agus as áiseanna na hOllscoile agus go gcothaíonn gníomhaíochtaí na mac léinn laistigh agus lasmuigh den champas dea-ainm na hOllscoile. Tabharfaidh an Ollscoil aird mar is cuí ar cheart saoirse cainte mac léinn laistigh den dlí agus de réir beartais chuí Ollscoile.

### 2.1 Cearta agus oibleagáidí na gcomhaltaí foirne, na mac léinn agus eile

- Tá ceart ag gach mac léinn agus ag gach comhalta foirne go gcaithfear leo le dínit agus le meas.
- Glactar leis go dtabharfaidh mic léinn meas ar údarás comhaltaí foirne na hOllscoile, comhaltaí foirne acadúla agus tacaíochta, le linn dóibh a gcuid dualgas a chomhlíonadh.

### 2.2 Iompraíocht Acadúil

- Bítear ag súil go dtabharfaidh mic léinn faoina gcuid oibre acadúla le hionracas agus le macántacht.
- Comhlíonfaidh gach mac léinn riachtanais an chláir acadúil roghnaithe i dtéarmaí léachtaí, ranganna praiticiúla, tascanna agus measúnachtaí agus gach rialachán Ollscoile a bhaineann le clárú, táillí, an leabharlann, úsáid áiseanna ríomhaireachta agus rialacháin scrúdaithe ghaolmhara.
- Ní sholáthróidh mac léinn ar bith faisnéis bhréagach nó mhíthreorach nó ní choinneoidh mac léinn ar bith faisnéis siar ó pháirtí ar bith maidir lena g(h)nóthachtálacha acadúla.

### 2.3 Ginearálta

- Tá dualgas ar gach mac léinn é/í féin a iompar ar shlí a cheadaíonn agus a spreagann rannpháirtíocht i ngníomhaíochtaí oideachais na hOllscoile agus gan cur isteach ar fheidhmiú na hOllscoile.
- Téann cothú dea-ainm na hOllscoile chun leasa phobal uile na hOllscoile agus, braitheann seasamh na hOllscoile den chuid is mó orthu siúd atá ag déanamh

ionadaíochta uirthi. Tá dualgas ar chomhaltaí foirne iad féin a iompar ar shlí nach dtarraingeoidh droch-cháil ar an Ollscoil, laistigh agus lasmuigh den Ollscoil.

- Ní airbheartaíonn Cód Iompraíochta na Mac Léinn go bhfuil rialacháin uile na hOllscoile le fáil ann. Sa chás go ndéantar a leithéid de rialacháin, déanfar poiblíocht ar fhaisnéis na rialachán agus cuirfear a leithéid ar fáil do na mic léinn ar láithreán gréasáin na hOllscoile. Tá dualgas ar mhic léinn a chinntiú go bhfuil eolas acu ar na rialacháin infheidhme aon tráth áirithe. Tá rialacháin i bhfeidhm i láthair na huair faoina gcumhdaítear nithe cosúil le:
  - Clárú agus athchlárú
  - Cead tabhairt faoi Chúrsaí agus faoi Scrúduithe
  - Na nósanna imeachta a bhaineann le seiceáil agus le hachomharc torthaí scrúduithe
  - Bradaíl
  - Úsáid a bhaint as áiseanna éagsúla na hOllscoile
  - Bunú agus Bainistíocht Airgeadais Clubanna agus Cumann na Mac Léinn

Is é freagracht phearsanta an mhic léinn aonair aird a thabhairt ar an gCód, agus is é freagracht na n-oifigeach ceaptha aird a thabhairt ar an gCód chomh fada is a bhaineann le grúpaí aitheanta.

Déileálfar le sárú ar cheann ar bith de rialacháin na hOllscoile bunaithe ar an nós imeachta ceadaithe cuí Ollscoile nó faoin Nós Imeachta Araíonachta mar atá sonraithe i gCuid 6.0 anseo thíos. Tá dualgas ar gach mac léinn comhoibriú leis na nósanna imeachta araíonachta atá sonraithe anseo thíos. Meastar gur sárú ar Chód Iompraíochta na Mac Léinn é teip comhoibriú nó fíneáil a íoc nó smachtbhanna araíonachta forchurtha i ndáil le sárú araíonachta a chomhlíonadh (faoi réir aon cheart achomhairc infheidhme).

## 2.4 Úsáid Foirgneamh, Áiseanna agus Trealamh

- Bítear ag súil go mbeidh meas ag gach mac léinn ar mhaoín, ar threalamh agus ar áiseanna na hOllscoile.

## 3.0 Samplaí Sonracha de Shárúithe ar Chód Iompraíochta na Mac Léinn

**Gan dochar a dhéanamh do ghinearáltacht a bhfuil thuasluaite** aithnítear anseo thíos roinnt samplaí sonracha de shárúithe ar an gCód seo:

- Bac a chur ar chomhaltaí d'fhoireann na hOllscoile, ar ghníomhairí na hOllscoile nó ar mhic léinn eile le linn dóibh a gcuid dualgas a chomhlíonadh.
- Bac a chur ar aon mhac léinn agus é/í ag staidéar.
- Aon fhoréigean nó aon bhagairtí foréigin nó aon mhí-úsáid, coirp nó béil.
- Aon bhulaíocht nó aon chiapadh nó aon idirdhealú bunaithe ar inscne, stádas pósta, stádas teaghlaigh, gnéaschlaonadh, creideamh, aois, míchumas, cine, dath, náisiúntacht nó bunadh eitnigh nó náisiúnta, toisc gur den lucht siúil iad nó tuairim nó cleamhnacht braite polaitíochta.
- Aon iompar a chuireann leas an duine aonair nó leas daoine eile i mbaol.
- Ráitis dhímheasúla nó líomhaintí a dhéanamh in aghaidh comhalta foirne nó mic léinn eile go pearsanta nó trí úsáid a bhaint as meán leictreonach cosúil le ríomhphost nó láithreáin líonraithe shóisialta.
- Caimiléireacht, bradaíl (tá breis sonraí maidir le Bradaíl le fáil sa *Chód Cleachtais Bradaíola*) agus imthosca ina gcuireann mac léinn obair duine éigin eile i láthair mar obair dá c(h)uid féin nó imthosca ina gceadaíonn mac léinn do dhuine éigin eile measúnacht nó tasc a dhéanamh dó/di.

- Faisnéis nó cáipéisíocht bhréagach nó mhíthreorach a sholáthar nó faisnéis ábhartha a choinneáil siar ón Ollscoil nó ó thríú páirtí agus é mar rún buntáiste acadúil neamhchóir nó tairbhe nó seirbhís acadúil eile a fháil, nó é mar aidhm go dtéann a leithéid chun tairbhe an mhic léinn.
- Tagairtí bréagacha acadúla nó gairmiúla a sholáthar nó éilimh bhréagacha a dhéanamh maidir le gnóthachtálacha gairmiúla don Ollscoil nó do thríú páirtí ar cibé cúis.
- Taifid nó cáipéisí na hOllscoile a fhalsú nó mí-úsáid a bhaint astu.
- Pearsanaíocht daoine eile, laistigh nó lasmuigh den Ollscoil, i dtaca le gnóthachtálacha nó le gradaim acadúla.
- Teip, gan míniú réasúnach a thabhairt, aon cheann nó gach ceann díobh seo a leanas a dhéanamh chun sástachta na Comhairle Acadúla: freastal ar léachtaí; freastal ar ranganna praiticiúla atá leagtha síos, agus saotharlanna, seisiúin san oifig líníochta nó seisiúin chliniciúla; freastal ar ranganna teagaisc; riachtanais leagtha síos d'obair thionscadail a chomhlíonadh, aistí a scríobh, nó aon chleachtadh eile a mholtar ar chúrsa.
- Iompraíocht a d'fhéadfadh cur isteach ar theagasc, scrúduithe, staidéar, taighde, nó riaradh na hOllscoile.
- Teip cloí leis na rialacháin a bhaineann le clárú ar an gclár acadúil, freastal ar léachtaí agus ar chleachtaí riachtanacha eile agus iompraíocht ag scrúduithe.
- Teip ar chloí le rialacháin maidir le húsáid na Leabharlainne.
- Teip ar chloí le Cód Iompraíochta na Mac Léinn maidir le húsáid áiseanna Ríomhaireachta.
- Diúltú Cárta Aitheantais Mic Léinn a thaispeáint nuair a iarrann comhalta foirne Ollscoile a chuireann é/í féin in aithne duit a leithéid. Tugtar Cárta Aitheantais Mic Léinn do gach mac léinn nuair a chláraíonn sé/sí, agus ní mór dó/di an Cárta Aitheantais sin a bheith ina s(h)eilbh aige/aici le linn dó/di a bheith ar áitreabh Ollscoile. D'fhéadfaí a iarraidh ar mhac léinn Cárta bailí a thaispeáint le dul isteach chuig nó nuair a bhíonn sé/sí istigh i gceann ar bith de na háiteanna seo a leanas: Hallaí Léachta, Saotharlanna, Ríomhlanna, an Leabharlann, an Bhialann, nó i gcuid ar bith d'áitreabh nó de thailte na hOllscoile. Ní mór don mhac léinn a C(h)árta Aitheantais a thaispeáint má iarrann comhalta foirne Ollscoile a leithéid. Iarrtar ar mhic léinn a C(h)árta Aitheantais Mic Léinn a thaispeáint ag gach scrúdú.
- Teip aon treoir/treoracha réasúnta ó bhéal nó i scríbhinn a chomhlíonadh a thugann aon fhostaí nó aon ghníomhaire Ollscoile le linn dó/di a d(h)ualgais a chomhlíonadh.
- Aon iompar a d'fhéadfadh damáiste a dhéanamh do dhea-ainm nó do sheasamh na hOllscoile.
- Mí-úsáid alcóil nó substaintí eile ar an gcampas, lena n-áirítear sárú ar rialacháin a d'fhéadfaí a dhéanamh ó am go ham maidir le tomhaltas alcóil nó substaintí eile ar an gcampas.
- Sárú ar an Acht Sláinte Poiblí (Tobac) 2002, Alt 47 (arna leasú) agus Rialacháin Caitheamh Tobac (Cosc) 2003.

- Cur isteach ar threalamh sábháilteachta na hOllscoile, trealamh comhraicthe dóiteáin, córais slándála nó córais aláirim.
- Damáiste, aghlot, goid, mí-úsáid nó úsáid gan údarú aon trealamh nó maoin de chuid na hOllscoile nó aon Chlub nó aon Chumainn nó maoin phríobháideach comhalta aonair de phobal na hOllscoile.

#### 4.0 An Pobal Ginearálta

Tugann iompar mac léinn sa phobal ginearálta léargas ar an Ollscoil agus déileáil an Ollscoil le gearán a dhéanann baill den phobal leis an Ollscoil maidir le hiompar mac léinn faoi Chód Iompraíochta na Mac Léinn. Go háirithe, tá dualgas ar mhac léinn iad féin a iompar ar shlí nach dtarraingeoidh droch-cháil ar an Ollscoil lasmuigh de thailte na hOllscoile. Áiríonn sé seo, ***cé nach bhfuil sé teoranta dó seo amháin***, áit chónaithe mic léinn agus i rith tréimhse socrúcháin oibre, tréimhse obair allamuigh nó tréimhse cleachtadh cliniciúil.

Más ábhar imscrúdú coiriúil é mac léinn nó má tá imeachtaí coiriúla ar feitheamh ina leith nó má aimsíodh go ndearna sé/sí cion coiriúil, féadfaidh an Ollscoil tús a chur le, leanúint le agus/nó nós imeachta araíonachta a chur ar fionraí de réir mar a oireann di. In imthosca den sórt sin, féadfaidh an Ollscoil an mac léinn i gceist a chur ar fionraí de réir an nós imeachta atá sonraithe ag 6.3 thíos ar feitheamh thoradh an phróisis choiriúil agus/nó an nós imeachta araíonachta.

#### 5.0 Údarais Araíonachta

**Oifigeach Araíonachta:** Beidh Oifigeach Araíonachta, arna cheapadh ag an Uachtarán ó am go ham, a mbeidh sé de dhualgas air/uirthe déileáil go hachomair le sárúithe ar an gCód a thugtar os a c(h)omhair nó an cheist a chur faoi bhráid Choiste Araíonachta na hOllscoile.

**An Coiste Araíonachta:** Beidh Coiste Araíonachta ann a mbeidh sé d'fheidhm aige déileáil le haon cheist a chuirfidh an tOifigeach Araíonachta faoina bhráid agus feidhmiú mar bhord achomharc maidir le hachomhairc i gcoinne thorthaí an Oifigigh Araíonachta nó údarais ainmnithe maidir le nithe a chumhdaítear faoi rialacha nó faoi rialacháin eile Ollscoile. Beidh torthaí an Choiste Araíonachta le linn a bheith ag feidhmiú mar bhord achomharc críochnaitheach.

**Údarás Ainmnithe:** Féadaidh an Chomhairle Acadúil nó an Coiste Araíonachta daoine aonair nó Coiste a cheapadh le déileáil le gnéithe éagsúla den Chód. Feidhmeoidh Coiste nó daoine aonair den chineál sin mar údarás ainmnithe i ndáil le ceisteanna den sórt sin.

**An Bord Achomharc:** Beidh Bord Achomharc ann a mbeidh sé mar aidhm aige déileáil le hachomhairc ar thorthaí an Choiste Araíonachta nuair nach bhfuil an Coiste Araíonachta ag feidhmiú mar bhord achomharc.

#### Comhaltas

Beidh an Coiste Araíonachta agus an Bord Achomharc comhdhéanta mar seo a leanas, ach ní bheidh aon duine ar gearánach nó ar cosantóir é/í i sárú líomhnaithe áirithe i dteideal feidhmiú mar chomhalta de cheann ar bith de na comhlachtaí atá ag déileáil leis an sárú sin.

Má aimsítear go bhfuil aon chomhalta den Choiste Araíonachta nó den Bord Achomharc seachas an Cathaoirleach luaite le gné ar bith den chás faoi athbhreithniú, ainmneoidh an comhlacht a d'ainmnigh é/í ó thús comhalta ionadaíoch ad hoc le cearta ballraíochta iomlána do thréimhse an cháis.

Más rud é go bhfuil líomhain curtha i leith Chathaoirleach an Choiste Araíonachta nó an Bhoird Achomharc, ainmneoidh an Meabhránaí & Uachtarán Ionaid Cathaoirleach ad hoc as measc chomhaltaí na Comhairle Acadúla.

Is mar seo a leanas a bheidh an Coiste Araíonachta comhdhéanta:

- Cathaoirleach, ceaptha ag an Uachtarán.
- Triúr de chomhaltaí Chomhaltas na Mac Léinn, ainmnithe ag Comhaltas na Mac Léinn.
- Ceathrar de chomhaltaí na Comhairle Acadúla, ainmnithe ag an gComhairle Acadúil.

Is mar seo a leanas a bheidh an Bord Achomharc comhdhéanta:

- Cathaoirleach, ceaptha ag an Uachtarán.
- Beirt de chomhaltaí na Comhairle Acadúla, ainmnithe ag an gComhairle Acadúil.
- Beirt de chomhaltaí Chomhaltas na Mac Léinn, ainmnithe ag Comhaltas na Mac Léinn.
- Comhalta seachtrach d'Údarás na hOllscoile, ceaptha ag an Uachtarán.

Ní hiad na comhaltaí céanna a bheidh ar an gChoiste Araíonachta agus ar an mBord Achomharc. Beidh comhaltaí ainmnithe nó comhaltaí ceaptha den Choiste Araíonachta agus den Bhord Achomharc, seachas comhaltaí ainmnithe ag Comhaltas na Mac Léinn, in oifig ar feadh tréimhse ceithre bliana, ar aon dul le téarmaí oifige Údarás na hOllscoile. Beidh comhaltaí ainmnithe ag Comhaltas na Mac Léinn in oifig ar feadh bliana, ach ní bheidh cosc ar bith ann a leithéid sin de chomhaltaí a athcheapadh.

## 6.0 Nós Imeachta Araíonachta

Tá cumhacht ag Údarás Ainmnithe cionta líomhnaithe a imscrúdú sa réimse cuí agus torthaí a eisiúint maidir leo. Faoi réir achomhairc, mar a shonraítear anseo thíos, beidh torthaí an Údaráis críochnaitheach. Féadfaidh Údarás Ainmnithe an cion líomhnaithe a chur faoi bhráid an Oifigigh Araíonachta nó faoi bhráid an Choiste Araíonachta, más rud é gurb é tuairim an Údaráis Ainmnithe, mar gheall ar thromaíocht nó ar nádúr an chiona, go mbeadh sé níos oiriúnaí dá mbeadh an cion á mheas acu siúd.

Cuirfear gearáin, seachas gearáin ar féidir le hÚdarás Ainmnithe déileáil leo go hiomchuí, faoi bhráid an Oifigigh Araíonachta. Féadfaidh an tOifigeach Araíonachta an ní a tharchur láithreach bonn chuig Údarás Ainmnithe nó chuig an gCoiste Araíonachta má mheasann an tOifigeach Araíonachta go mbeadh Údarás Ainmnithe nó an Coiste Araíonachta in ann déileáil níos fearr leis an gcúiseamh mar gheall ar thromaíocht nó ar nádúr an chúisimh nó féadfaidh sé/sí déileáil leis an ní faoin Nós Imeachta Achomair ar a bhfuil cur síos anseo thíos.

Féadfaidh an gearánach/na gearánaigh agus an mac léinn/na mic léinn ina gcoinne/ina c(h)oinne a ndéantar/a d(h)éantar an líomhain a bheith i láthair i rith na n-éisteachtaí ar fad nó cuid de na héisteachtaí a bhaineann leis na cionta líomhnaithe. Ag ceann ar bith de na héisteachtaí beidh an mac léinn/na mic léinn ina c(h)oinne/ina gcoinne a d(h)éantar/a ndéantar an líomhain i dteideal cara a bheith i láthair agus cúnamh a fháil ó chara.<sup>1</sup>

## 6.1 Nós Imeachta Achomair

Déanfaidh an tOifigeach Araíonachta réamh-imscrúdú ar ghearáin ar bith a chuirtear faoina b(h)ráid. Eagróidh sé/sí, a luaithe is indéanta, cruinniú leis an mac léinn/na mic léinn ina gcoinne/ina c(h)oinne a dhéantar an gearán ar mhaithe leis an gcás a bhreithniú, idirghníomhú leis an mac léinn/na mic léinn agus teacht ar thuairim maidir le tromchúis an cháis agus más cuí, teacht ar thoradh. Beidh an ceart ag an mac léinn/na mic léinn cara a thabhairt leis/léi chuig an gcruinniú. Cuirfidh an tOifigeach Araíonachta in iúl don mhac léinn/do na mic léinn go bhfuil sé/sí/siad á c(h)ur/á gcur faoi agallamh faoi na coinníollacha atá sonraithe i gCód Iompraíochta na Mac Léinn. Chomh maith leis sin, míneoidh an tOifigeach Araíonachta go bhfuil sé de cheart ag an mac léinn an ní a tharchur go díreach chuig an gCoiste Araíonachta le breithniú ag staid ar bith i rith an chruinnithe. Ní mór don Oifigeach Araíonachta a dheimhniú go dtuigeann an mac léinn/na mic léinn an próiseas agus go bhfuil sé/sí/siad toilteanach leanúint leis an bpróiseas.

<sup>1</sup> D'fhéadfaí mar shampla, gur tuismitheoir nó gur caomhnóir a bheadh i gceist; mac léinn nó cara eile; ionadaí ó Chomhaltas na Mac Léinn; nó ionadaí dlíthiúil, má theastaíonn a leithéid.

Má theipeann ar an mac léinn/na mic léinn ina leith a dhéantar/a ndéantar an gearán, gan cúis réasúnach, freastal ar an gcruinniú eagraithe, beidh sé/sí/siad ag sárú an Chóid, agus féadfaidh an tOifigeach Araíonachta toradh a thabhairt in éagmais an mhic léinn/na mac léinn i gceist.

Má mheasann an tOifigeach Araíonachta a leithéid a bheith riachtanach, féadfar glaoch ar an ngearánach/ar na gearánaigh chuig an gcruinniú le fianaise a thabhairt. Má theipeann air/uirthi/orthu freastal ar an gcruinniú, gan cúis mhaith, ní leanfaidh an tOifigeach Araíonachta le hiniúchadh an ní, agus measfar an líomhain a rinneadh mar líomhain a aistarraingíodh.

Tá de dhiscréid ag an Oifigeach Araíonachta a iarraidh ar Uachtarán Chomhaltas na Mac Léinn freastal ar aon chruinniú i gcáil breathnadóireachta.

Tá de rogha ag an Oifigeach Araíonachta fiafraí den mhac léinn/de na mic léinn glacadh nó diúltú don chúiseamh agus tairgfidh sé cibé aighneacht a mheasann an mac léinn/na mic léinn a dhéanamh maidir leis an gcúiseamh a mheas. Sa chás gur léir go bhfuil sé dodhéanta ag an Oifigeach Araíonachta cruinniú a eagrú leis an mac léinn, míneoidh an tOifigeach Araíonachta cearta an mhic léinn/na mac léinn ar an teileafón nó trí ríomhphost nó litir chláráithe a sheoladh chuig an mac léinn i gceist.

Is é an tOifigeach Araíonachta a chinnefidh ar cheart nó nár cheart seasamh leis an ngearán.

Féadfaidh an tOifigeach Araíonachta, sa chás go seastar leis an ngearán, na smachtbhannaí seo a leanas a fhorchur:

- (i) An gearán a dhíbhe.
- (ii) Rabhadh béil a thabhairt.
- (iii) Ach amháin i gcásanna bradaíola nó caimiléireachta, féineáil nach mó ná 5% den táille bhliantúil do Bhliain 1 sna Dána cibé uair a fhorchuirfear an fhíneáil. Ina theannta sin, d'fhéadfadh an tOifigeach Araíonachta a éileamh go n-íocfadh an mac léinn/na mic léinn ranníocaíocht faoi chomhair an chostais, iomlán nó páirteach, a bhaineann le haon damáiste nó caillteanas a dhéantar a leigheas.
- (iv) An ní a chur faoi bhráid an Choiste Araíonachta i scríbhinn, gan cinneadh ar bith maidir le ciontacht a dhéanamh, sa chás go gcinneann an tOifigeach Araíonachta go mbeadh sé níos feiliúnaí dá ndéanfadh an Coiste Araíonachta an cúiseamh a bhreithniú bunaithe ar thromaíocht nó ar nádúr.
- (v) Sa chás go dteastaíonn a leithéid bunaithe ar thromaíocht an ní i gceist, féadfaidh an tOifigeach Araíonachta a iarraidh ar an Uachtarán an mac léinn/na mic léinn a chur ar fionraí ón Ollscoil de réir an nós imeachta dá dtagraítear ag 6.3 thíos.

Cuirfear toradh na héisteachta in iúl don mhac léinn i scríbhinn. Cuirfear a c(h)eart/a gcearta in iúl don mhac léinn/do na mic léinn cinneadh a achomharc chuig an gCoiste Araíonachta, an nós imeachta a bhaineann le hachomharc a dhéanamh agus an teorainn ama a bhaineann le hachomharc a dhéanamh.

Féadfaidh an mac léinn/na mic léinn, roimh nó i rith an chruinnithe leis an Oifigeach Araíonachta, a iarraidh go gcuirfear an ní faoi bhráid an Choiste Araíonachta lena bhreithniú.

Sa chás go bhfuil an chosúlacht ar an scéal go mbaineann sárú líomhnaithe le beirt mhac léinn nó níos mó, féadfar a leithéid de mhic léinn a chúiseamh agus a éisteacht i gcomhpháirt.

## **6.2 Éisteacht an Choiste Araíonachta**

I gcás go bhfuil gearán curtha faoi bhráid an Choiste Araíonachta déanfaidh Rúnaí an Choiste Araíonachta an mac léinn/na mic léinn, a bhfuil an gearán á dhéanamh ina leith, a thoghairm

chuig cruinniú den Choiste Araíonachta. Má theipeann ar an mac léinn/na mic léinn teacht i láthair gan cúis réasúnta, beidh sé/sí/siad ag sárú an Chóid, agus féadfaidh an Coiste Araíonachta toradh a thabhairt in éagmais an duine/na ndaoine i gceist.

Fiafrófar den ghearánach/de na gearánaigh an cás a chur i láthair an Choiste Araíonachta. Má theipeann ar an ngearánach/ar na gearánaigh, gan cúis réasúnta, freastal ar an gcrúinniú, ní leanfaidh an Coiste le hiniúchadh an ní, agus measfar an líomhain a rinneadh mar líomhain a aistarraingíodh.

Iarrfar ar an mac léinn/na mic léinn an cion líomhnaithe a admháil nó a dhiúltú. Má admhaíonn an mac léinn/na mic léinn ábhar an chúisimh nó an ghearáin a bheith fíor, ní bheidh dualgas ar an ngearánach/ar na gearánaigh fianaise a thairiscint, cé go bhféadfaidh an dá pháirtí aighneachtaí ó bhéal nó i scríbhinn a dhéanamh más mian leo maidir leis an bponós.

Má dhiúltaíonn an mac léinn/na mic léinn an cúiseamh líomhnaithe, beidh an nós imeachta a chuirfeadh i bhfeidhm ina dhiaidh sin cothrom agus réasúnta ag féachaint don chineál ciona agus do na pionóis a bhaineann leis an gCód seo.

Tabharfar aird ar na cleachtais seo a leanas go háirithe:

(a) Éistfeadh an fhianaise ar fad i láthair an ghearánaigh/na ngearánach agus an mhic léinn/na mac léinn ag a bhfuil cead cara<sup>2</sup> a thabhairt chun na héisteachta. Tabharfar deis don mhac léinn/do na mic léinn aon duine atá á ghairm ag an ngearánach/ag na gearánaigh, a fhéadfaidh ar an tslí chéanna aon duine atá á ghairm ag an mac léinn/ag na mic léinn a cheistiú.

(b) Tabharfar na deiseanna seo a leanas don mhac léinn/do na mic léinn: fianaise a thabhairt; cibé daoine ar mian leis/léi a ghairm le fianaise thacaíochta a thabhairt; agus an cháipéisíocht ábhartha a sholáthar.

(c) Tabharfar deis don ghearánach/do na gearánaigh agus don mhac léinn/do na mic léinn aighneachtaí a dhéanamh i ndiaidh fianaise a chur ar fáil, lena n-áirítear uirill a bhaineann leis an bponós inar aimsigh an Coiste Araíonachta go bhfuil an cúiseamh cruthaithe i gcoinne an mhic léinn.

(d) Déanfaidh an Coiste breithniú in éagmais an ghearánaigh/na ngearánach agus an mhic léinn/na mac léinn agus beidh an Coiste i dteideal comhairle dlí a lorg le linn na n-imeachtaí.

s

Tabharfar cinneadh an Choiste Araíonachta i scríbhinn don mhac léinn i gceist agus tabharfar cóip do Dhéan an Choláiste chúí agus/nó d'Oifigigh Ollscoile mar a mheasann an Coiste Araíonachta a bheith cuí. Beidh torthaí an Choiste Araíonachta le linn dó a bheith ag feidhmiú mar bhord achomharc críochnaitheach. Más cuí, cuirfeadh a c(h)earth/a gceart in iúl don mhac léinn/do na mic léinn cinneadh a achomharc chuig an mBord Achomharc, an nós imeachta a bhaineann le hachomharc a dhéanamh agus an teorainn ama a bhaineann le hachomharc a dhéanamh.

Féadfaidh aon mhac léinn nach bhfuil in Éirinn i láthair na huair a iarraidh ar an gCoiste Araíonachta éisteacht, nach éisteacht ó bhéal í, den Choiste Araíonachta a eagrú más mian leis an mac léinn/leis na mic léinn an riachtanas a bhaineann le taisteal go Gaillimh le freastal ar éisteacht béil a shárú. Is é Cathaoirleach an Choiste Araíonachta a bhreithneoidh a leithéid agus sa chás go gcinneann an Cathaoirleach a leithéid d'iaratas a cheadú, tionólfar Coiste Araíonachta chun an líomhain/na líomhaintí i gcoinne an mhic léinn/na mac léinn a bhreithniú bunaithe ar aighneachtaí scríofa faighte ón ngearánach/ó na gearánaigh, ón mac léinn/ó na mic léinn agus ó pháirtithe ábhartha eile. Tabharfar deis don mhac léinn/do na mic léinn agus

<sup>2</sup> D'fhéadfaí mar shampla, gur tuismitheoir nó gur caomhnóir a bheadh i gceist; mac léinn nó cara eile; ionadaí ó Chomhaltas na Mac Léinn; nó ionadaí dlíthiúil, má theastaíonn a leithéid.

don ghearánach/do na gearánaigh freagairt d'aighneachtaí a chéile sula dtagann an Coiste le chéile.

Féadfar leanúint le cruinniú tionóla i gceart den Choiste Araíonaíochta agus é mar aidhm toradh a fháil d'ainneoin comhalta(i) ar bith a bheith as láthair.

### **6.3 Fionraí a rinne an tUachtarán**

Tá ceart ag an Uachtarán mic léinn a chur as an áireamh agus féadfaidh sé/sí a leithéid de cheart a thoghairem dá rogha féin. Sa chás go n-eisiann an tUachtarán mac léinn, beidh cumhacht ag an gComhairle Acadúil, ag an gcéad chruinniú eile, leanúint leis an eisiann go dtí go ndéileálfadh an Coiste Araíonachta nó eile leis an ní. Má chinneann an Chomhairle Acadúil leanúint leis an eisiann, tionscnófar na nósanna imeachta araíonachta cuí gan mórán moille. I rith na tréimhse fionraí forchurtha ag an Uachtarán agus tréimhse den sórt sin ina dhiaidh sin, féadfaidh an Chomhairle Acadúil a chinneadh, nach mbeidh cead ag an mac léinn/na mic léinn inter alia, páirt ar bith a ghlacadh i ngníomhaíocht acadúil na hOllscoile, léachtaí, saotharlanna, oideachas cliniciúil, obair allamuigh, scrúduithe, bronnadh céimeanna etc.

### **6.4 An Próiseas Achomharc**

Féadfar achomharc a dhéanamh le Cathaoirleach an Bhoird Achomhairc, trí Rúnaí an Bhoird Achomharc, laistigh de choicís ó dháta eisiúna chinneadh an Choiste Araíonachta agus soláthróidh an t-achomharcóir na forais le haghaidh an achomhairc do Rúnaí an Bhoird Achomharc i scríbhinn. Is é dáta eisiúna an chinnidh sin an dáta ar a seolfar an cinneadh chuig seoladh an mhic léinn – an seoladh atá ag an Ollscoil, nó an dáta ar a dtugtar an cinneadh sin don mhac léinn.

Féadfar achomharc a dhéanamh i gcoinne an phionóis a fhorchuirfear ar fhorais imthosca maolaitheacha.

Beidh achomharcóir i dteideal, má iarrann sé/sí a leithéid, ionadaíochtaí breise ó bhéal a dhéanamh os comhair an Bhoird Achomharc.

Soláthrófar cóip d'fhorais achomhairc an achomharcóra, aighneacht an achomharcóra san áireamh, más ann dá leithéid, don Bhoird Achomharc mar aon le cóip de thaifead iomchuí an Choiste Araíonachta.

Déanfaidh an t-achomharcóir agus an gearánach/na gearánaigh b(h)unaidh aighneachtaí ó bhéal os comhair an Bhoird Achomharc.

Sa chás gurb é tuairim an Bhoird Achomharc mar a dheachtaíonn riachtanais an cheartais, féadfaidh an Coiste fianaise a mheas nár cuireadh i láthair ag an éisteacht os comhair an Choiste Araíonachta ach a rinne foráil i gcónaí go raibh sé beartaithe a leithéid d'fhianaise nua a thabhairt ar aird an mhic léinn/na mac léinn nó an ghearánaigh/na ngearánach de réir mar a bheidh, agus dóthain ama a thabhairt don mhac léinn/do na mic léinn nó don ghearánach/do na gearánaigh an fhianaise nua a mheas go cuí agus déileáil leis go cuí ag éisteacht an achomhairc.

Féadfaidh an Bord Achomharc:

- (i) an t-achomharc a cheadú;
- (ii) an pionós a laghdú nó a mhéadú, nó cineál an phionóis a athrú;
- (iii) an t-achomharc a dhiúltú.

Tabharfar cinneadh an Bhoird Achomharc i scríbhinn don mhac léinn/do na mic léinn agus tabharfar cóip do Dhéan an Choláiste chuí agus/nó d'Oifigigh Ollscoile mar a mheasann an Bord Achomharc a bheith cuí. Beidh toradh an Bhoird Achomharc críochnaitheach.

Féadfar leanúint le cruinniú tionólta i gceart den Bhord Araíonaíochta agus é mar aidhm toradh a fháil d'ainneoin comhalta(i) ar bith a bheith as láthair.

## 7.0 Smachtbhannaí

Nuair a bhíonn sárú ar an gCód bunaithe i ndiaidh próisis chuí féadfar ceann ar bith nó níos mó ná sin de na pionóis seo a leanas a fhorchur:

- (i) Iomardú (cuirfear iomardú foirmiúil san áireamh, mar aon le rabhadh go gcuirfear an sárú reatha san áireamh má aimsítear sárú ar bith eile ar an gCód ina dhiaidh sin).
- (ii) Ach amháin i gcásanna bradaíola nó caimiléireachta, fíneáil (arna chinneadh ag an gcomhlacht cuí, a bheidh iníoctha faoin bpionós breise fionraíochta).
- (iii) Pionós Acadúil cosúil le nialas a bhronnadh d'obair a rinneadh.
- (iv) Diúltú cead a thabhairt isteach chuig scrúdú ainmnithe in OÉ Gaillimh ar feadh tréimhse shonraithe.
- (v) Fionraíocht ar feadh tréimhse shonraithe nó díbharrú ó ghníomhaíochtaí áirithe nó fionraíocht ón Ollscoil go dtí go gcomhlíonann/go gcomhlíonfaidh sé/sí/siad na riachtanais atá leagtha síos.
- (vi) Aistarraingt ón Ollscoil go buan nó ar feadh tréimhse shonraithe.
- (vii) Díbirt i.e. go mbainfear a (h)ainm/a n-ainmneacha ó leabhair na hOllscoile agus go gcuirfear cosc buan air/uirthi/orthu ó áitreabh na hOllscoile.

Féadfaidh an comhlacht cuí, d'ainneoin go gcruthaítear an líomhain, staonadh ó phionós a fhorchur agus urscaoileadh daingean nó coinníollach a thabhairt.

Sa bhreis ar phionós nó ar urscaoileadh ar bith, d'fhéadfaí ordú a dhéanamh ag éileamh íocaíochta ar fhiach, ar dhamáiste nó ar chúiteamh faoi phionós breise fionraíochta nó díbeartha.

## 8.0 Athbhreithniú

Athbhreithneofar an Cód ag eatraimh éagsúla nach faide ná cúig bliana óna leithéid a chur i bhfeidhm, ach d'fhéadfaí é a athbhreithniú freisin ag amanna eile bunaithe ar chinneadh na Comhairle Acadúla nó ar iarratas Chomhaltas na Mac Léinn, le cead na Comhairle Acadúla. Coiste ar a mbeidh ionadaíocht chothrom ón gComhairle Acadúil agus ó Chomhaltas na Mac Léinn, faoi seach, a bheidh i mbun athbhreithnithe den sórt sin, faoi Chathaoirleacht an Uachtaráin nó a (h)ainmní.